

EMPAGLIFLOZIN AND METFORMIN

empag-lie-flow-zin and met-for-min

He aha te mahi?

Whakamahia ai te *empagliflozin* me te *metformin* hei whakamaimoa i te matehuka, me ētahi atu mate i ētahi wā.

I mua i to tīmata

- Me kōrero atu ki tō rata mēnā kei te mate ō tākīhi.
- Me kōrero atu ki tō rata mēnā kei te hapū koe, kei te whai rānei koe kia hapū koe, kei te whāngaiū rānei.

Me pēhea te kai?

Me kai te *empagliflozin* me te *metformin* e ai ki ngā tohutohu me tētahi inu wai.

Ka aha mēnā ka wareware i a koe tētahi horopeta te kai?

Mēnā kua tata ki te wā mō tō horopeta whai ake, me waiho te horopeta i tāhapa ka kai i tō kai horopeta whai ake hei taua wā anō. Tērā rānei, me kai te horopeta i tāhapa ina maumahara koe. Kaua rawa e kai i ngā horopeta e rua i te wā kotahi.

Ka taea anō e koe ētahi atu rongoā te kai?

Me kōrero atu ki tō kaitaka rongoā, rata rānei mō ngā rongoā katoa, whakamaimoatanga rānei e whiwhi ana koe, tae atu ki ngā huaora, ngā hua otaota, ngā whakapōauau rānei.

He aha ngā hua kino ka rongo pea koe?

Ngā Hua Kino	Tūtohutanga hei whai
Ko ngā tohumate o tētahi ranuraru nui e kīa ana ko te diabetic ketoacidosis, ko te: whakapairuaki, ruaki, mamae puku, ngoikore, pōraturanga, te tino hiainu, hēmanā rānei	Me wawe te kōrero atu ki tō rata
Ko ngā tohumate o tētahi ranuraru nui e kīa ana ko te lactic acidosis, kei roto ko te: whakapairuaki, ruaki, mate tikotiko, ngoikore, mamae uaau, te tere o te whakāhā.	I ngā wā tino rerekē, he taumaha tēnei – me kōrero atu koe ki tō mātanga hauora
Whakapokenga taihemahema – ko ngā tohumate pea ko te whero haere, mangeo, tahe	Me kōrero atu ki tō rata mēnā kei te mamae
Ka rerekē te tāwara, kua kore e hiakai	He mea noa tēnei ina tīmata koe engari ko te tikanga ka pai haere. Me kōrero atu ki tō rata mēnā kei te mamae.
Ka mamae te puku, patero, tokopā	

Ki te pā mai ētahi atu hua kino, me kōrero atu ki tō rata, kaitaka rongoā rānei.

Ētahi atu mōhiohio:

- Me whai aromataawai toto auau (HbA1c) koe hei tirotiro he pēhea te pai o te whakahaere i to matehuka.
- Mēnā ka māuiui koe, me whai i tō mahere rā-māuiui matehuka, me kōrero rānei ki tō mātanga hauora.
- Mēnā kei te hāparaparatiā koe, tētahi whakahaerenga rānei pērā i te tirotiro whēkau, te mātai pūkai rānei, he mea nui kia kōrero atu ki tō rata, nēhi rānei kei te kai koe i te *empagliflozin* and *metformin*.
- Hei āwhina kia kore ai pā mai ngā whakapokenga taihemahema, he mea nui kia maroke ō taihemahema. Me whakamaro ke mā te pepa whēru i muri i te mimi ka tīri i tō tarauroto mēnā kua mākū. Mēnā ka taea, me horoi i tō taihemahema kī te wai i muri i te mimi, ā, i mua i tō hoki kī te moe. Mēnā he kirimata tōu, me kukume mai i mua i te mimi.